

Ninsaal yel-segdi noy gānegr sebre (yūumd 1948)

Keoogre

B wilgame ti ninsaal buud fāa tara a burkīndlim la a yel-segdi tōod sēn pa yīd a to, ti b pa tōen n dīk tōod-bāmb n koos bi n tek a badawā, n yaa dūni wā bāan gāaga, ned fāa sēn so a vīum ti yembd kaala, la wēg-taab kaalem dūni wā pūgē yēgrā.

B wilgame ti ninsaal sēn da tog ne yel-segdi ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon ti dūni ning sēn na n wa zīnd-a ti ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pūgē wā, n yaa ninsaal sēn baood ne a sūur fāa n yīdā.

Ti sēn yīd fāa yaa ti ninsaal yel-segdi wā tog n paamame ti b koglg-b ne noy buud sēn na yīl ti ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pūgē wā.

D sēn mi ti segdame ti d keng tēms ne taab zood yōkr zīndgrā.

D sēn mi ti nasōzini (tēmsā fāa lagem-n-taar kāsengā) le mooname n wilg b tēeb ninsaal burkīndlem la a tīrlem pānga, pag la rao yel-segdi sēn zem taabā, ti b le wilgame ti b ratame n mao n paas ninsaalbā vīum sōmblem ti yi ned fāa sēn so a meng vīumē wā ti yel kāng pāng yīg a pīndā.

D sēn mi ti tēms nins sēn be nasōzini lagem-n-taarā pūgē lagma ne lagem-n-taarā n nk sard n na n sōng ti dūni wā pūgē bi ned fāa tū ninsaalb yelsegdi wā sēn gāneg noy ninsā.

D sēn mi ti ninsaal yel-segdi noy bāmba gānegr sā n yi lagem-n-taarā ne a kēedbā n na n naag taab n maan-b n na n sōng ti b tūubā yi sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdi la b burkīndlem wεεngē. Nebā fāa tara yam la tagsgo, ned fāa togame n vīund ne a to saam-biir pūgē.

Koεεg a 2 soaba.

Ned fāa tara sor n tōe n dī seb-kānga sēn gāneg noy ninsā yōodo ti bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bi rao ye, f wēnd-sor sēn ya-a soab ye, f sēn yāk n tik politik ninga, bi tēeb buud a to ye, f tarem sēn ya-a soab ye, f sēn dog ne b rāmb ye, bi būmd buud a taab sēn bakd ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rīib wεεngē ye, pa tūus tēngā sā n so a menga bi a sā n be zamaan a to yembdē.

Koεεg a 3 soaba.

Ned buud fāa tara sor n tōe n vīunde, n soog a menga la a gūnug a menga.

Koεεg a 4 soaba.

Pa tog n dɪk ninsaal buudã fãa n maan yamb ye bɪ n weoog-a ye. Yembdã ne nebã koosgã gidgame, ba sɛn wa n ya yembd buud nin fãa.

Koεεg a 5 soaba.

Pa tog n sɪbg ninsaal buudã fãa ye, pa tog n sɪbg ninsaal tɪ sɪbgrã yɪ toog wʊsgo, tɪ pa sɛn na maan ninsaal ye.

Koεεg a 6 soaba.

Ned fãa tara sor tɪ sɛn wa n ya sɪĩg ning fãa, bɪ b sak n deeg a sɛn yaa ned ning buud bʊ-kaoor soog taoore.

Koεεg a 7 soaba.

Ninsaalbã fãa zema taab laloa taoore, b fãa tog n paama laloa wã koglgɔ tɪ bakr ba a ye pa zɪnd ye. Nebã fãa tara sor n tõe n paam tɪ b koglg-b ne bakr buud fãa sɛn na n wa maan n kɪɪs seb-kãnga noy wã sɛn gãnegã, ne bũmb nins sɛn na n wa ne bakr-bãmba.

Koεεg a 8 soaba.

Ned buud fãa tara sor n tõe n kɛng a tɛngɛ bʊʊd soog taoore n tɪ bʊ ne weoogre, sɪbgr buud fãa b sɛn maan-a, tɪ ninsaalb yel-segdɪ sebrã gidge, tɪ laloa mi tiiri.

Koεεg a 9 soaba.

Pa tar sor n tõe n yõk ned zaalem, n pag-a roogo bɪ n yiis-a a tɛngɛ n tɪ ning zɪĩg a to tɪ laloa zɪ tiir ye.

Koεεg 10 soaba.

Ned buud fãa tara sor wa laloa sɛn wilgã, t'a yell ta bʊ-kaoodb sɛn so bʊʊdã, n tõe n kao tɪ pãn-dãmb ka lob b toogo, la sɛn bʊʊd sɪd taoore, tɪ b bʊ nin-buiid taoore n wilg a yel-segdɪ bɪ a tɪlae-yɛla, bɪ n wilg b sɛn yet tɪ yɛnda soabã maana bũmb ningã kongr sɛn taẽ.

Koεεg 11 soaba.

B sã n yeel tɪ ned maana bʊmb sɛn kis n dat n paalg-a, sã n pa b wa n bʊ-a lame tɪ bʊʊdã yɪ neb fãa taoore, t'a paam sɔangd sɛn mams n paas a poorẽ fãa, ket n ya wa yɛnda soabã pa maan bũmbã ye.

B pa tõe n bʊ ned n paalg-a bũmb a sɛn maan bɪ a sɛn pa maan yĩnga, sã n mikame tɪ yellã sɛn maanã wakato, bʊʊd soog nengɛ yel bãmba ra pa kis ye. Sɛn paasd me, b sã n bʊ yellã, b pa tar sor n tõe n kõ ned ning sɛn maan-a yellã sɪbgre tɪ yɪɪg yellã sɛn maanã sasa laloa sɛn da gãneg sɪbgr buud nins yel-bãmb wɛengɛ wã ye.

Koεεg 12 soaba.

[Missing]

Koεεg 13 soaba.

Ned buud fãa tara sor n tõe n gõ a tẽngẽ, n kẽng zĩĩs nins fãa a sẽn date, la a yãk a sẽn dat n zĩndẽ.

Ned buud fãa tara sor n tõe n yi tẽngẽ n lebg n wa a meng tẽngẽ, a le tara sor n tõe n yi a meng tẽngẽ n kẽng tẽn-taaga la a le lebg n wa a tẽngẽ.

Koεεg 14 soaba.

Ned sã n wa be toog zug tẽngẽ tı b namsd-a wõsgo, a soab tara sor n tõe n yi n bao gãag-sobend tẽms a taabẽ, a le tara sor n tõe n paam tı b reeg-a tẽn-bãmbẽ.

La sã n mikame t'a sẽn maanã, laloa gıdgame tı b mik tı yaa sıda, bı sã n mikame t'a sẽn maanã pa zems ne nasõzini (tẽmsã lagem-n-taar kãsengã) sẽn gãneg noy ninsã, a pa tar sor-kãng ye.

Koεεg 15 soaba.

Ned buud fãa tara sor n tõe n paam tẽng-n-biilim tika.

B pa tar sor n tõe n wõr ned n menes a tẽng-n-biilim ye, b le pa tõe n gıdg-a t'a ra teem a tẽng-n-biilim ye.

Koεεg 16 soaba.

Pag ne rao yũũmd sã n ta kãadem b tara sor n tõe n kẽ kãadem la b tilg yir tı pa tũus b yiibã buud sẽn ya-b rãmba, b tẽng-n-biilim bı b wẽnd sor tũudum. Kãadmã kẽesg noy pũgẽ, b yiibã yel-segdı yaa a ye, pa yııd to ye, kãadmã vıım wakato la a kaoob wakat me b yel-segdı wã ya a ye.

Kãadem pa tõe n kẽes tı pa tũ ne kãad-ratbã sakr sẽn pa tũ ne modgr ye.

Zak yaa tẽng yẽgre (tẽng bõn-bulli). A yaa tẽng vıım sũuri. Tẽngã neb togame n koglg-a, goosneerã (leta wã) togame n koglg-a.

Koεεg 17 soaba.

Ned buud fãa, f ya f ye bı f bee sull pæga, tara sor n so a bũmbu.

B pa tõe n wõr ned n deeg a sẽn so ye.

Koεεg 18 soaba.

Ned fãa tara sor n tõe n tags a sẽn date, n bũgs a sẽn date la a tũ wẽnd-sor ninga a sẽn date. Sor-kãng a sẽn tarã wεεngẽ a tõeeme n teem wẽnd-sor n tũ bı n teem tẽebo a le tõeeme n wilg a wẽnd-sor bı a tẽebo ne kaorengo, maana maanego tı yi yẽnda a ye bı n naag ne a taaba tı yi neb sũka bı bãmb bal ne taaba.

Koεεg 19 soaba.

Ned buud fãa tara sor n tõe n tẽ a sẽn date la a gom a sẽn date, rẽnda n kıt tı ned pa tog n zoe rabeem ne a tẽeb wilgri, la a tar sor n tõe n bao n bãng kibay la a paam kibay n tall-b n piuug zĩĩg fãa n pa ges tẽmsã tods ye, tı yi ne rabay buud fãa a sẽn date.

Koεεg 20 soaba.

Ned buud fāa tara sor n tōe n paam n maan tigsga la lagem-n-taar sull sēn pa tar yēla (sēn pa na n wa ne gudgri).

B pa tōe n modg ned ab a ye t'a kē lagem-n-taar pūgē ye.

Koεεg 21 soaba.

Ned buud fāa tara sor n tōe n ning a toog a tēng vūim tūmē, a tōeeme n maan tūmd a toore bī tū ne neb b sēn yāk tī b let lagem-n-taara sull n tūmdē, tī nin-bāmb yākrā yaa sēn maan tī pa tū ne modgr ye.

Nin-buiidā sēn dat būmb ninga la tēngā zāab tūm tikda.

Nin-buiidā raabā wilgr tog n tūu ne vot sēn na n maan tī zāmb ka zīnd ye, votā me tara wakat sōor n tog n le maane, votā tōeeme n maan tī yī nin-buiid vote, bī gūls n vot buud a to sēn wēnd wa bāmba sēn maand tī ned fāa tōe n yāk a sēn dat-a soaba.

Koεεg 22 soaba.

Ne buud fāa, a sēn yaa nin-buiidā ned a ye wā yīnga, a toga ne ninsaalb yel gesg soogā sōngre. Sōngrā yaa arzeka, vūim sōmblem la rog-n-mik wεεngē sēn yaa tīlae ne ninsaal burkīnd la a tīrlem baoobo, a mengā yidgr yīnga, sēn na n tū ne tēnga meng tūmde n paas tēms ne taab lagem-n-tūm pāng tī zems ne tēng fāa tūm yōgeng sēn ya to-to la a laog sēn zem tēka.

Koεεg 23 soaba.

Ned buud fāa tara sor n tōe n paam tūmde, n tōe n yāk a sēn dat tūmd ninga tī tū ne tūmdā kūun sēn na n maan tī wēgb pa zīnd ye, la b koglg-a ne tūmā kaalem.

Nebā fāa tog n paama yaood sēn zems ne b sēn maan tūmd ningā tī wēgb ka ye.

Ned ning fāa sēn tūmd-a toga ne yaood sēn zems a sēn maane, tī sēn paamdā sek yēnda ne a zak rāmb vūim tī yī burkīnd pūgē, tī sā n mik tī segdame; bī a paam tī b paas-a sōngr buud a taaba.

Ned buud fāa tara soor n tōe n naag neb a taaba n lūlg sēndika sulli (tūntūmdb sōngr sulli) sēn na kogend tūntūmdbā nafo.

Koεεg 24 soaba.

Ned buud fāa tara sor n tōe n paam vūusem la yō-noogre, būmb zāng la tūmā wakat sōor tēk wilgri n paas vūusem. Vūusmā geendame n tar wakat-wakato, vūusmā sasa b tog n yaoa a soaba.

Koεεg 25 soaba.

Ned buud fāa tara sor n tōe n paam tarem sēn na n sek a meng la a zak rāmb laafi la b vūim sōmblem baoobo, būmb zāng la rībā wεεngē, yeelgrā (futā), zī-gāadgā, tībsgā n paas vūimā sōmblem baoob tūm nins sēn segd-b ne yē wā. A sā n wa pa tar tūmde, a sā n wa bēedē, a sā n wa lebg

kamsa, a sã n wa lebg pɔg-kõore bɪ ra-kõore, a sã n wa kɔʊle bɪ bũmb
buud a taab sã n wa kɪt t'a pa le tõe n dɪlg la a ges a meng yelle, tɪ
yaool n pa tũ ne yẽnda a maan tɪ yellã paam-a, a togame n paam sɔngre.

Biig pɔg sasa la a yãadem wakato, a tara sor n tõe n paam sɔngre la
koglgo. Kamba fãa, f roga kãadem pɔgẽ tɪ b rogame tɪ b ba rãmbã pa kẽ
kãadem ne taaba, b fãa segda ne sɔngre.

Koεεg 26 soaba.

Ned buud fãa tara sor n tõe n paam kaorengo. Kaorengã tog n yɪɪ zaalem,
ba tɪ na yɪ yãadmẽ kaorengã (kaoren-sɪngã). Yaa tɪlae tɪ kambã paam
kaoren-sɪngã. Tɔʊm-minim la nus tɔʊm zãmsg kaorengã togame n piuugi.
Karen-do bẽdã kaorengã tog n maaname tɪ neb nins fãa bãngr sẽn sek be
taabã paam n kẽ tɪ zãmb pa zĩnd ye.

Kaorengã sẽn tog n gẽeg bũmb nins yaa ninsaal mengã yidgri la ninsaal
yel-segdɪ noy sebrã tũub pãng paasgo. Kaorengã togame n sɔng tɪ tẽmsã ne
taab wɔm taab moore, buudã toor-toorã bɪ wẽnd-sor tũudum toay-toayã wɔm
taab moore, tɪ sull fãa sak a to sẽn yala la b yɔg taab zoodo. A togame
yasa n sɔng tɪ nasõzini (tẽmsã ne taab lagem-n-tay kãsengã) tɔʊma kẽng
taoore, sẽn na yɪl tɪ bãana gãand dũni wã pɔgẽ.

Ba rãmbã n yaa pipi n tar sor n tõe n yãk wubr ning buud (kareng ning
buud) bãmb sẽn dat tɪ b kambã paame.

Koεεg 27 soaba.

Ned buud fãa tara sor n tõe n ning a meng nin-buiidã rog-n-mik sull
tɔʊmẽ (vɪɪmẽ), n rɪ tɔʊm-minmã bãngr yõodo la a naag n tɔm bãngrã baoob
tɔʊmẽ wã la a paam n dɪ tɔʊm bãmba sẽn wat ne yõod ninsi.

Ned fãa tara sor n tõe tɪ b koglg a bãngr yõodo la a bãngr teedo, tɪ yaa
sebr la a gɔls yã, bɪ yaa te-naands la a maan yã.

Koεεg 28 soaba.

Ned buud fãa tara sor n tõe n dat tɪ bãan zĩnd nebã ne taab sɔk tẽnsẽ
wã, la tẽnsã ne taab sɔka, tɪ seb kãnga sẽn wilg yel-segdɪ ninsã tɔog n
paam n yɪ sɪda

Koεεg 29 soaba.

Ninsaal tara tɪlae-tɔʊm ne a neba (a nin-buiidu), bala a mengã yidgr pa
tõe n maan tɪ pa yɪ na a nebã pɔgẽ vɪɪm ye.

Ned yel-segdɪ tũub pɔgẽ, la a sẽn tar sor n tõe n maan a sẽn datã
wεεngã, ned fãa toaag sẽn tekẽ yaa laloa sẽn wilg bũmb ninsa, sẽn na yɪl
n sɔng tɪ ned fãa bãng a to yel-segdɪ la a sẽn tar sor n tõe n maan a
yam. Sẽn paasd me, yaa sẽn na yɪl tɪ b tɔog n tũ ninsaal vɪɪm sɔmblem
noy wã, ninbuiidã vɪɪm noy wã tũubu la nebã fãa vɪɪm sɔmblem baoobo, sã
n yaa tẽng zãab buud ning sẽn ya nin-buiid naam n zãad-a wã.

Yel-segdɪ bãmbã la maan-m-yam bãmbã pa tõe n dɪk n maan tɪ pa yɪ wa
nasõzini sẽn gãneg noy ninsã sẽn datã ye.

Koεεg 30 soaba.

Seb-kǎngǎ gomd ba a ye pa tǒe n wa rɪk t'a yɪ wa tǝng a ye, goosneer a ye bɪ ned a ye yell ye, t'a soab tik rǝnda n dat n maan bũmb sǝn na yɪl n sǎam yel-segdɪ la maan-m-yam nins sebrǎ sǝn gomd-b rǎmb yellǎ ye.